

**Deloitte.**



*Skattamál*  
2005/2006

## ● Skattlagning einstaklinga

### I. Tekjuskattur og útsvar

Staðgreiðsla 2005 (tekjusk. 24,75% + útsvar 12,98%) .....	37,73%
Staðgreiðsla 2006 (tekjusk. 23,75% + útsvar 12,97%) .....	36,72%
Fjármagnstekjuskattur .....	10,00%
Staðgreiðsla barna yngri en 16 ára 2005, af tekjum umfram 96.125 kr. (árið 2006 98.528 kr.) (tekjuskattur 4% + útsvar 2%) ...	6,00%

Sérstakur tekjuskattur (hátekjuskattur) vegna tekna ársins 2005 .....2%  
Tekjumörk sérstaks tekjuskatts tekjuárið 2005 eru 4.191.686 kr. hjá einstaklingum, en 8.383.372 kr. hjá hjónum. Ekki verður lagður á sérstakur tekjuskattur við álagningu 2007, vegna tekna ársins 2006.

Gjald í framkvæmdasjóð aldraðra .....6.075 kr.

Gjaldið er lagt á alla á aldrinum 16-69 ára sem eru með tekjur yfir skattleysismörkum á árinu 2005.

### II. Frádráttur frá tekjum

#### 1. Persónuafsláttur

Tekjuárið 2005 (28.321 kr. á mánuði) .....	339.846 kr.
Tekjuárið 2006 (29.029 kr. á mánuði) .....	348.343 kr.

Heimilt er að millifæra persónuafslátt milli hjóna og sambúðarfólks að fullu. Börn innan 16 ára njóta ekki persónuafsláttar. Eftirlifandi maki getur nýtt persónuafslátt hins látna í níu mánuði eftir andlát.

Skattleysismörk þeirra sem greiða í lífeyrissjóð

tekjuárið 2006 .....	988.188 kr.
Skattleysismörk ellilífeyrisþega tekjuárið 2006 .....	948.660 kr.

#### 2. Sjómannaafsláttur

Á dag tekjuárið 2005 .....	768 kr.
Á dag tekjuárið 2006 .....	787 kr.

#### 3. Iðgjöld til lífeyrissjóða

Heimilt er að halda utan staðgreiðslu 4% af heildarlaunum, sem greidd hafa verið til lífeyrissjóða sem starfa samkvæmt lögum. Auk þess er heimilt að halda utan staðgreiðslu allt að 4% af heildarlaunum vegna viðbótartryggingarverndar að fullnægðum ákveðnum skilyrðum laga.

#### 4. Frádráttur á móti ökutækjastyrk

Frá ökutækjastyrk, sem launþegi hefur fært til tekna, skal leyfa sem frádrátt sannanlegan rekstrarkostnað sem starfsmaður hefur borið vegna rekstrar ökutækis. Til frádráttar er því leyfður sá hluti af heildarrekstrarkostnaði bifreiðarinnar sem svarar til afnota hennar í þágu launagreiðanda. Aldrei leyfist þó hærri fjárhæð til frádráttar en talin er til tekna sem ökutækjastyrkur. Krafa er gerð um að haldin sé aksturisdagbók eða akstursskýrsla, þar sem hver ferð fyrir launagreiðanda hefur verið skráð, sú vegalengd sem ekin hefur verið og aksturserindi. Sé akstur í þágu launagreiðanda ekki umfram 2000 km á ári er ekki þörf á að sundurliða rekstrarkostnað bifreiðarinnar.

## 5. Frádráttur á móti dagpeningum

Dagpeningar eru greiddir vegna tilfallandi ferðalaga launþega á vegum launagreiðanda utan fasts samningsbundins vinnustaðar og er þeim ætlað að standa undir kostnaði launþegans vegna fjarveru frá heimili sínu, annars vegar vegna gistikostnaðar ef um hann er að ræða og hins vegar vegna fæðiskaupa og annars tilfallandi kostnaðar sem af ferðinni hlýst. Á móti fengnum dagpeningum er launamönnum heimilt að færa frádrátt samkvæmt nánari reglum sem fjármálaráðherra setur.

Leyfilegur frádráttur frá greiddum dagpeningum innanlands á árinu 2005:

	1/1-28/7	29/7-30/9	1/10-31/12
Gisting og fæði í einn sólarhring	13.100 kr.	16.500 kr.	14.300 kr.
Gisting í eina nótt	7.500 kr.	10.800 kr.	8.300 kr.
Fæði fyrir heilan dag (min 10 klst. ferðalag)	5.600 kr.	5.700 kr.	6.000 kr.
Fæði í hálfan dag (min 6 klst. ferðalag)	2.800 kr.	2.850 kr.	3.000 kr.

Leyfilegur frádráttur frá greiddum dagpeningum erlendis á árinu 2005 í SDR:

	Almennir dagpeningar		Dagpeningar vegna þjálfunar, náms o.fl.	
	Gisting	Annað	Gisting	Annað
London, New York borg,				
Washington DC og Tókýó	145	110	93	70
Annars staðar	110	100	70	64

## III. Sérreglur um eignatekjur og arf

### 1. Almennt um fjármagnstekjuskatt

10% fjármagnstekjuskattur leggst á allar fjármagnstekjur manna utan atvinnurekstrar, svo sem vexti, verðbætur, afföll, gengishagnað, arð af hlutabréfum og stofnsjóðum, leigutekjur og skattskyldan hagnað af sölu eigna. Fjármálastofnunum ber að draga staðgreiðslu af vaxtatekjum og afföllum og skila til ríkissjóðs. Félögum með takmarkaða ábyrgð félagsaðila og samvinnufélögum ber að draga staðgreiðslu af arði sem þau greiða eða úthluta félagsmönnum sínum og skila í ríkissjóð. Aðrar greiðslur er mynda stofn til fjármagnstekna einstaklinga eru lagðar á við álagningu næsta ár á eftir tekjuári.

### 2. Leigutekjur

Frá leigutekjum af íbúðarhúsnæði, sem ekki tengist atvinnurekstri eða sjálfstæðri starfsemi, er heimilt að draga greidd húsaleigugjöld af íbúðarhúsnæði til eigin nota. Frádráttur þessi leyfist eingöngu til frádráttar leigutekjum af íbúðarhúsnæði sem ætlað er til eigin nota en er tímabundið til útleigu.

Útleiga manns á íbúðarhúsnæði telst ekki til atvinnurekstrar eða sjálfstæðrar starfsemi nema heildarfyrningargrunnur slíks húsnæðis í eigu hans í árslok nemi 29.324.700 kr. eða meira ef um einstakling er að ræða, en 58.649.400 kr. ef hjón eiga í hlut.

### 3. Söluhagnaður af hlutabréfum árið 2006

Greiða skal 10% fjármagnstekjuskatt af söluhagnaði hlutabréfa. Söluhagnaður hlutabréfa er mismunur á söluverði og kaupverði. Kaupverð hlutabréfa sem skattaðili hefur eignast 1. janúar 1997 og síðar er án nokkurs framreiknings.

Kaupverð hlutabréfa sem skattaðili hefur eignast fyrir 1. janúar 1997 má ákvarða á tvenns konar hátt:

- Jöfnunarverðmæti hinna seldu hluta í árslok 1996, eða
- upphaflegt kaupverð hinna seldu hluta framreiknað til ársloka 1996.

#### 4. Arfur

Erfðafjárskattur er 5%. Þó er enginn erfðafjárskattur greiddur af fyrstu 1.000.000. kr. í skattstofni dánarbús, nema um fyrirframgreiddan arf sé að ræða. Skattstofni erfðafjárskatts er heildarverðmæti allra fjárhagslegra verðmæta og eigna sem liggja fyrir við andlát arfleifanda að frádregnum skuldum og kostnaði.

### IV. Bætur

#### 1. Vaxtabætur

Vaxtagjöld til útreiknings vaxtabóta á árinu 2006 (vaxtagjöld ársins 2005) er sú fjárhæð sem lægst er af a), b) og c):

- Vaxtagjöld vegna sérstakra lána til öflunar eða verulegra endurbóta á íbúðarhúsnæði til eigin nota.
- 5% af eftirstöðvum skulda í árslok, sem stofnað hefur verið til vegna öflunar íbúðarhúsnæðis til eigin nota.
- Hámark vaxtagjalda, sbr. töflu hér að neðan.

Frá vaxtagjöldum skv. framsögðu dregst fjárhæð sem svarar 6% af tekjuskattstofni og fjármagnstekjum, og er mismunurinn vaxtabætur. Ákveðið hámark er þó á reiknuðum vaxtabótum, sbr. töflu hér að neðan. Vaxtabætur skerðast síðan hlutfallslega fari eignir að frádregnum skuldum fram úr 3.721.542 kr. hjá einstaklingi og einstæðum foreldrum, og 6.169.097 kr. hjá hjónum, uns þær falla niður við 60% hærri fjárhæð. Vaxtabætur skiptast jafnt á milli hjóna/sambúðarfólks.

#### Hámark vaxtagjalda og vaxtabóta:

	Vaxtagjöld 2005	Vaxtabætur 2006
Einstaklingur	494.782 kr.	169.541 kr.
Einstætt foreldri	649.544 kr.	218.042 kr.
Hjón og sambúðarfólk	804.304 kr.	280.372 kr.

#### 2. Barnabætur

Barnabætur eru greiddar vegna hvers barns innan 16 ára aldurs (f. 1990 eða síðar)

	2005		2006	
	Hjón/ sambúðarfólk	Einstæðir foreldrar	Hjón/ sambúðarfólk	Einstæðir foreldrar
Með fyrsta barni	126.952 kr.	211.447 kr.	139.647 kr.	232.591 kr.
Með hverju barni umfram eitt	151.114 kr.	216.902 kr.	166.226 kr.	238.592 kr.
Hækkun vegna barna yngri en 7 ára*	37.397 kr.	37.397 kr.	46.747 kr.	46.747 kr.

Skerðingarmörk sameiginlegs tekjuskattstofns hjóna er 1.859.329 kr. og einstæðra foreldra 929.665 kr. Hlutföll skerðingar eru 3% með einu barni, 7% með tveimur börnum og 9% með þremur börnum eða fleirum.

\*Þessi hluti barnabóta er ekki tekjutengdur.

## ● Atvinnurekstur

### I. Opinber gjöld

### Stofn

#### 1. Tekjuskattur lögaðila

##### vegna áráanna 2005 og 2006

Hreinar tekjur

Félag með takmarkaða ábyrgð og samvinnufélög .....	18%
Aðrir lögaðilar .....	26%

#### 2. Búnaðargjald

Velta búvöru-  
framleiðenda

Álagning 2006 .....	2,0%
Fyrirframgreiðsla 2006 og álagning 2007 .....	1,2%

#### 3. Iðnaðarmálagjald .....

Heildarvelta í  
iðnaðarstarfsemi

.....	0,08%
-------	-------

#### 4. Tryggingagjald/Markaðsgjald

Til gjaldstofns teljast hvers konar laun og þóknunir, þ.á.m. mótframlag launagreiðenda til lífeyrissjóðs. Til tryggingagjaldsskyldra hlunninda telst meðal annars fæði, húsnæði, fatnaður, bifreiðaaafnot o.þ.h. en þau skal reikna til gjaldstofns á sama verði og þau eru metin til tekna samkvæmt skattmati fjármálaráðherra. Greiðslur launagreiðenda vegna fæðingarorlofs mynda ekki stofn til tryggingagjalds, nema það fari yfir ákveðið hámark.

#### Tryggingagjald að meðtöldu markaðsgjaldi og ábyrgðargjaldi atvinnurekenda árið 2006:

Almennt gjaldstig .....	5,79%
Laun sjómanna .....	6,44%

Ef reiknað endurgjald eða greidd vinnulaun til annarra ná ekki 504.000 kr. á árinu er gjaldanda heimilt að senda skilgrein ásamt greiðslu einu sinni á ári eins og um uppgjör fyrir desember væri að ræða.

### II. Afskriftarhlutföll og fyrningar

#### Árið 2005

Skip, skipsbúnaður og fólksbifreiðar fyrir færri en 9 menn aðrar en leigubifreiðar .....	10 - 20%
Lofftör og fylgihlutir .....	10 - 20%
Verksmiðjuvélar, iðnaðarvélar og tæki .....	10 - 30%
Skrifstofuáhöld og -tæki .....	20 - 35%
Vélar, tæki, bifreiðar og annað lausafé, sem ekki fellur undir ofangreint .....	20 - 35%
Íbúðarhúsnæði, skrifstofu- og verslunarbyggingar .....	1 - 3%
Verksmiðju- og verkstæðisbyggingar, vörugeymslur o.fl. ....	3 - 6%
Gróðurhús, bryggjur og plön þeim tengd .....	6 - 8%
Borholur, raflínur og óvaranlegar vinnubúðir .....	7,5 - 10%
Keyptur eignarréttur að hugverkum og auðkennum .....	15 - 20%
Keypt viðskiptavild .....	10 - 20%

Lausafjármunir, þ.m.t. skip, loftför, bifreiðar, vélar og tæki, eru afskrifaðir samkvæmt **stiglækkandi fyrningum**. Það felur í sér að fyrningarstofn eignarinnar er bókfært verð hennar, þ.e. stofnverð hennar að frádregnum áður fengnum fyrningum.

Mannvirki, eyðanleg náttúruauðæfi, keypt viðskiptavild og keyptur eignarréttar að hugverkum og auðkennum eru afskrifuð samkvæmt **línulegri fyrningu**. Þá er fyrningarstofn eignarinnar upphaflegt kaupverð hennar.

Fyrningartími eigna hefst við byrjun þess rekstrarárs þegar þær eru fyrst nýttar við öflun tekna. Ekki er heimilt að fyrna eign á því rekstrarári þegar nýtingu hennar lýkur vegna sölu eða af öðrum ástæðum, þar með talið ef eign verður ónothæf, nema söluverð eða annað andvirði sé lægra en eftirstöðvar fyrningarverðs. Er þá heimilt að gjaldfæra mismuninn. Mannvirki og lausafé, þ.m.t. skip, loftför, bifreiðar, vélar og tæki, má aldrei fyrna meira en svo að ávallt standi eftir sem niðurlagsverð eignar 10% af stofnverði hennar.

Þegar kostnaðarverð einstakra eigna eða eignasamstæða er undir 250.000 kr. er heimilt að færa það að fullu til gjalda á því ári þegar þeirra er aflað. Þá er heimilt að færa niður stofnkostnað, svo sem kostnað við skráningu fyrirtækis og öflun atvinnurekstrarleyfa, svo og kostnað við tilraunavinnslu, markaðsleit, rannsóknir og öflun einkaleyfis og vörumerkja, á því ári sem viðkomandi eign myndast eða með jöfnum fjárhæðum á fimm árum.

Stofnkostnað við kaup á réttindum sem ekki rýrna vegna notkunar, þ.á m. aflahéimildir, er ekki heimilt að fyrna. Verðmæti slíkra réttinda er ekki heimilt að færa til frádráttar skattskyldum tekjum.

### III. Önnur atriði er varða aðila í atvinnurekstri

#### Samsköttun

Skattstjóri getur heimilað að tvö eða fleiri hlutafélög, einkahlutafélög og samlagshlutafélög séu skattlögð saman. Skilyrði samsköttunar eru að móðurfélag eigi a.m.k. 90% hlutafjár í dótturfélagi, að öll hlutafélögin hafi sama reikningsár, eignarhald hafi varað allt reikningsárið, nema þegar um stofnun eða slit á dótturfélagi er að ræða, og að samsköttunin standi að lágmarki í fimm ár.

#### Samskráning á virðisaukaskattsskrá

Skattstjóri getur heimilað að tvö eða fleiri hlutafélög eða einkahlutafélög verði samskráð á virðisaukaskattsskrá. Skilyrði samskráningarinnar eru að móðurfélag eigi a.m.k. 90% hlutafjár í dótturfélagi, að öll hlutafélögin hafi sama reikningsár og að samsköttunin standi að lágmarki í fimm ár. Umsókn um samskráningu skal beint til skattstjóra í því skattumdæmi þar sem móðurfélagið er heimilisfast ekki síðar en 8 dögum fyrir upphaf fyrsta reikningsárs sem samskráningar er ætlað að taka til.

#### Söluhagnaður af eignarhlutum í félögum

Hagnaður af sölu hlutabréfa telst að fullu til skattskyldra tekna á söluári. Heimilt er að draga frá söluverði kostnað vegna sölu. Unnt er að fara fram á frestun á tekjufærslu söluhagnaðar um tvenn áramót frá söludegi. Kaupi seljandi önnur hlutabréf í stað hinna seldu bréfa innan þess tíma færast söluhagnaðurinn til lækkunar á kaupverði nýju bréfanna.

<b>Kaupár</b> 1996 og fyrr	<b>Úreikningur á skattskyldum söluhagnaði</b> Mismunur á söluverði og kaupverði. Kaupverð í árslok 1996 ákvarðast sem upphaflegt kaupverð þeirra eða jöfnunarverðmæti þegar það hefur verið hækkað skv. verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum.
1997-2001	Mismunur á söluverði og kaupverði. Kaupverð í árslok 2001 ákvarðast sem upphaflegt kaupverð hlutabréfanna þegar það hefur verið hækkað samkvæmt verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum.
2002-2005	Mismunur á söluverði og kaupverði.

### Arðstekjur hlutafélaga

Hlutafélögum og einkahlutafélögum er heimilt að draga frá skattskyldum tekjum sínum móttekinn arð sem þau fá úthlutað frá hlutafélögum og einkahlutafélögum. Hið sama gildir um móttekinn arð erlendis frá, hafi hagnaður hlutafélagsins, sem verið er að úthluta, verið skattlagður með svipuðum hætti og gert er hér á landi. Skilyrði er að skatthlutfall, sem lagt er á hagnað hins erlenda félags, sé eigi lægra en almennt skatthlutfall í einhverju aðildarríki OECD.

### Eftirstöðvar rekstrartapa

Frá skattskyldum tekjum á rekstrarárinu 2005 (framtal 2006) er heimilt að draga eftirstöðvar rekstrartapa frá síðustu tíu árum, enda hafi ekki orðið veruleg breyting á þeim rekstri eða starfsemi í hlut á.

### Reiknað endurgjald

Maður sem vinnur við eigin atvinnurekstur eða sjálfstæða starfsemi, eða telst vera með ráðandi stöðu í atvinnurekstri vegna eignar- eða stjórnunaraðildar, skal reikna sér til tekna ekki lægra endurgjald fyrir starfið en hann hefði haft sem laun fyrir það hjá óskyldum eða ótengdum aðila. Sama gildir um vinnu maka manns, barna hans, venslamanna og nákominna ættingja, sem innt er af hendi við atvinnurekstur eða sjálfstæða starfsemi hans. Við upphaf hvers árs setur fjármálaráðherra reglur til viðmiðunar fyrir reiknað endurgjald fyrir slík störf einstaklinga en þær má nálgast á [www.rsk.is](http://www.rsk.is).

### Viðmiðunarfjárhæðir reiknaðs endurgjalds á mánuði á árinu 2006 (lágmarksviðmiðanir):

<b>Flokkur A</b>	Sérfræðiþjónusta (5 flokkar): 472.000-661.000 kr.
<b>Flokkur B</b>	Almenn starfsemi, iðnaður, verslun, útgerð og þjónusta (5 flokkar): 312.000-625.000 kr.
<b>Flokkur C</b>	Fjölmiðlun, listamenn, skemmtikrafar, útgefendur, sérhæfð sölustarfsemi eða þjónusta o.fl. (5 flokkar): 378.000-605.000 kr.
<b>Flokkur D</b>	Iðnaðarmenn (2 flokkar): 252.000-302.000 kr.
<b>Flokkur E</b>	Ýmis starfsemi einyrkja, ófaglærðra og vélstjórnaða (4 flokkar): 203.000-275.000 kr.
<b>Flokkur F</b>	Sjómennska (5 flokkar): 252.000-378.000 kr.
<b>Flokkur G</b>	Landbúnaður (3 flokkar): 93.000-186.000 kr.
<b>Flokkur H</b>	Makar og nákomnir venslamenn (3 flokkar): 126.000-379.000 kr.
	Börn (2 flokkar): 76.000-88.000 kr.

## ● Aðrar upplýsingar

### Vísitölur

	Jan 2005	Jan 2006	Breyting
Byggingarvísitala	304,7	316,7	3,94%
Lánskjaravísitala	4719	4915	4,15%
Neysluvísitala til verðtryggingar	239,0	248,9	4,14%

### Tvísköttunarsamningar

Í eftirfarandi töflu má finna þau ríki sem Ísland hefur gert tvísköttunarsamninga við. Í töflunni eru ennfremur upplýsingar um lækkað afdráttarskatthlutfall á arði sem félag heimilisfast í öðru samningsríkinu greiðir félagi í hinu samningsríkinu. Neðangreind skatthlutföll fá notið við að uppfylltum ákveðnum skilyrðum en ekki gefst kostur á að birta þau öll hér; í töflunni eru eingöngu birt þau megin skilyrði er varða lágmarkseignarhald í félaginu sem greiðir arðinn. Í töflunni má ennfremur sjá afdráttarskatthlutfall þóknana (e. royalties).

Land	Arður Skatthlutfall - Eignaraðild	Þóknanir
Bandaríkin	5% - 10%	0%
Belgía	5% - 10%	0%
Bretland	5% - 10%	0%
Eistland	5% - 25%	5%/10%
Frakkland	5% - 10%	0%
Grænland	5% - 25%	15%
Holland	0% - 10%	0%
Írland	5% - 25%	10%
Kanada	5% - 10%	0%/10%
Kína	5% - 25%	10%
Lettland	5% - 25%	5%/10%
Lítháen	5% - 25%	5%/10%
Lúxemborg	5% - 25%	0%
Norðurlönd*	0% - 10%	0%
Portúgal	10% - 25%	10%
Pólland	5% - 25%	10%
Rússland	5% - 25%	0%
Slóvakía	5% - 25%	10%
Spánn	5% - 25%	5%
Sviss	5% - 25%	0%
Tékkland	5% - 25%	10%
Víetnam	10% - 25%	10%
Þýskaland	5% - 25%	0%

\*Tvísköttunarsamningur við Danmörk, Finnland, Færeyjar, Noreg og Svíþjóð.

Undir lok ársins 2005 biðu tvísköttunarsamningar við Ítalíu, Möltu og Ungverjaland fullgildingar. Á sama tíma biðu samningar við Austurríki, Grikkland, Króatíu, Mexíkó, Suður-Kóreu og Úkraínu undirritunar auk þess sem samningagerð við Indland, Rúmeníu og Slóveníu stóð yfir. Stefnt er að lokum endurskoðunar á samningi við Bandaríkin á fyrri hluta ársins 2006.

## • Ýmsar skattabreytingar sem taka gildi árið 2006 eða síðar

### Samskráning á virðisaukaskattsskrá

Skattstjóri getur heimilað að tvö eða fleiri hlutafélög eða einkahlutafélög verði samskráð á virðisaukaskattsskrá. Sjá nánari umfjöllun í kaflanum Önnur atriði varðandi aðila í atvinnurekstri í þessum bæklingi.

### Niðurfelling eignarskatts

Eignarskattur einstaklinga og lögaðila var felldur niður frá og með 31. desember 2005. Engin álagning eignarskatts mun því eiga sér stað á árinu 2006. Framtalskylda eigna og skulda verður þó áfram við lýði. Afnáam eignarskattsins kemur hins vegar ekki til framkvæmda hjá þeim félögum sem hafa annað reikningsár en almanaksárið, fyrr en með skattskilum þeirra vegna reikningsárs sem hefst á árinu 2005 og lýkur á árinu 2006.

### Tekjuskattur einstaklinga

Við staðgreiðslu vegna tekna ársins 2006 er tekjuskattur 23,75% af tekjuskattstofni.

Við staðgreiðslu vegna tekna ársins 2007 er tekjuskattur 21,75% af tekjuskattstofni.

### Persónuafsláttur

Persónuafsláttur hækkaði um 2,5% 1. janúar 2006. Hann mun hækka aftur um 2,25% 1. janúar 2007.

### Barnabætur

Við ákvörðun barnabóta á árinu 2006 hækka tekjutengdar barnabætur um 10%. Við ákvörðun barnabóta á árunum 2006 og 2007 hækka ótekjutengdar barnabætur um samtals 50%. Við ákvörðun barnabóta á árunum 2006 og 2007 hækka viðmiðunarmörk tekna vegna tekjutengdra barnabóta um samtals 50%. Við ákvörðun barnabóta á árinu 2007 lækka skerðingarhlutföll tekna úr 3% í 2% með einu barni, úr 7% í 6% með öðru barni og loks úr 9% í 8% með þriðja barni.

### Búnaðargjald

Búnaðargjald lækkar úr 2,0% af veltu búvöruframleiðanda niður í 1,2%, við fyrirframgreiðslu búnaðargjalds á árinu 2006 og álagningu þess 2007. Álagning búnaðargjalds á árinu 2006 er óbreytt, þ.e. 2,0%.

### Ný tollalög

Þann 1. janúar 2006 öðluðust gildi ný tollalög, þ.e. tollalög nr. 88/2005.

Deloitte hf. er hluti Deloitte Touche Tohmatsu, sem er eitt af fremstu fyrirtækjum í heimi á sviði endurskoðunar og ráðgjafa. Á alþjóðavísu starfa um 120.000 manns í nálægt 150 löndum hjá Deloitte með það að markmiði að leiða viðskiptavinum sínum til forystu. Á Íslandi starfa um 200 manns hjá félaginu. Deloitte hf. býður fyrirtækjum og einstaklingum viðtæka þjónustu og ráðgjöf á sviði fyrirtækjareksturs, m.a. endurskoðun, áhættuþjónustu, reikningskil, fjármálaráðgjöf og skatta- og lögræðiráðgjöf.

## Gengi

### Opinbert viðmiðunargengi Seðlabanka Íslands

	Kaup	Sala	Kaup	Sala	Breytingar miðað við sölugengi
	30.12.05*	30.12.05*	31.12.04	31.12.04	
USD	62,98	63,28	61,04	61,34	+ 3,16%
GBP	108,59	109,11	117,86	118,44	- 7,88%
DKK	9,985	10,043	11,192	11,258	- 10,79%
NOK	9,317	9,371	10,105	10,165	- 7,81%
SEK	7,922	7,968	9,231	9,285	- 14,18%
CHF	47,9	48,16	53,95	54,25	- 11,23%
CAD	54,13	54,45	50,6	50,9	+ 6,97%
JPY	0,536	0,5392	0,5952	0,5986	- 9,92%
SDR	89,98	90,52	94,76	95,32	- 5,04%
EUR	74,49	74,91	83,28	83,74	- 10,54%

\* Seðlabanki Íslands skráði síðasta opinbera viðmiðunargengið á árinu 2005 þann 30.12.2005.

## ● Skrifstofur og samstarfsaðilar

### Skrifstofur:

Reykjavík, Stórhöfði 23	sími: 580-3000
Akranes	sími: 431-3911
Akureyri	sími: 460-9900
Egilsstaðir	sími: 471-2560
Eskifjörður	sími: 476-1680
Grundarfjörður	sími: 438-6896
Neskaupstaður	sími: 477-1790
Reykjanesbær	sími: 420-7700
Sauðárkrúkur	sími: 453-6000
Siglufjörður	sími: 467-1805
Snæfellsbær	sími: 430-1600
Vestmannaeyjar	sími: 488-6000

### Samstarfsaðilar Deloitte hf.:

Bolungarvík	sími: 450-7900
Ísafjörður	sími: 456-4066
Fjárstoð ehf., Reykjavík	sími: 556-6000

### Vefsíða: [www.deloitte.is](http://www.deloitte.is)

Upplýsingar þær sem fram koma í bæklingi þessum eru unnar upp úr gildandi lögum og reglum í upphafi árs 2006. Upplýsingarnar eru almenns eðlis og er ekki ætlað að vera tæmandi upplýsingagjöf. Við hvetjum þig til að leita faglegrar aðstoðar við úrlausn skattamála. Nánari upplýsingar er að finna á heimasíðu Deloitte hf. Þar er meðal annars hægt að finna útgefnar skýrslur og erindi um ýmis mál af vettvangi skattaréttar.

Þá bendum við á eftirfarandi heimasíður sem hafa að geyma frekari upplýsingar um skatta og málefni er tengjast þeim: [www.rsk.is](http://www.rsk.is), [www.yskn.is](http://www.yskn.is), [www.hagstofa.is](http://www.hagstofa.is), [www.tollur.is](http://www.tollur.is) og [www.skr.is](http://www.skr.is).

**Deloitte.**